

Silaannakut angallaneq il.il. pillugit inatsimmut allannguutissatut inatsisinik Kalaallit Nunaannut atuutilersitsineq pillugu peqqussutip, Namminersorlutik Oqartussanit akuerineqarnissaa pillugu Inatsisartut aalajangiiffigisassaattut siunnersuut
(Ineqarnermut, Attaveqaasersuutinut, Aatsitassanut, Inatsisit Atuutsinneqarnerannut, Naligiissitaanermullu Naalakkersuisoq)

Saqqummiussissut

(Ineqarnermut, Attaveqaasersuutinut, Aatsitassanut, Inatsisit Atuutsinneqarnerannut, Naligiissitaanermullu Naalakkersuisoq)

Siullermeerneqarnera

Silaannakut angallaneq pillugu inatsimmi allannguutit arlaqartut pillugit aalajangiiffigisassatut siunnersuut, Naalakkersuisut sinnerlugit saqqummiunneqarpoq.

Naalagaaffimmi isumannaallisaanermut akitsuutip assigiissagaasup qulakkeernissaanut pisariaqartutut nalilerneqarlutik allannguutissatut inatsisinut, kunngip peqqussutaanut missingiut tunngavoq. Tamatuma saniatigut Kangerlussuarmi mittarfiup aamma EU-mi mittarfiit akornanni OSS-ip (One Stop Security- Isumannaallisaanermi Ataasiaannarluni Misissuiffigineqartarnissap) attatiinnarneqarnissaa siunnersuutip qulakkiissavaa.

Isumannaallisaanermut akiliutit kunngip peqqussutaatigut 2017-imi atuutsilersinneqarput. Akiliut timmisartumut billetsi aqquutigalugu akilerneqartarpoq, Naalagaaffimmilu mittarfinnik Trafikstyrelsip nakkutilliineranut mittarfiit toqqaannartumik aningaasalersuinerinut, akiliut manna tikillugu periusiusimasumut 2017-imi taartaalluni. Taamaalilluni angalasut amerlassusaat akiliutinut apeqqutaasarpog, angalasullu ikilinerisigut angalanermi ataatsimi akiliut annertuumik qaffassaaq, timmisartorlu Danmarkimi mittarfimmit, Nunatsinniluunniit mittarfimmit tinginersoq apeqqutaassalluni.

Kangerlussuarmi Mittarfik Ataasiaannarluni Misissortittarfiuvoq (One Stop Security - OSS). Ilaasut, nassatat tigumiaannartakkat, nassatat tunniuttagaasut aammalu nassiussat Kangerlussuarmit EU-mi timmisartoqarfimmut tikinnermi isumannaallisaanermik nakkutilliinermi misissorteqqeqqaanngikkaluarlutik ingerlaannarlutik isersinnaanerat OSS-ip iluaqutissartaraa.

EU-mik OSS-eqaannarnissaa qulakkeerniarlugu, inuit ilaannut isumannaallisaanermik akuerisaanermut piumasaqaatit Kalaallit Nunaata suli naammassisariaqarpai. Taamaattumik Kalaallit Nunaanni mittarfeqarfinni, isumannaallisaanermik akuersissuteqarneq pillugu piumasaqaammut ilaatinneqartuni akuerisaasuni sulisut, Trafikstyrelsenimiunani Kalalaallit Nunaanni Namminersorlutik Oqartussanit akuerineqaaqqaartassasut kunngip peqqussutaani ersarissarneqarpoq.

Taamatut oqaaseqarlunga Naalackersuisut sinnerlugit immikkoortoq Inatsisartuni kajumittumik suliaqnormuunngorlugu tunniuppara.